

欽定大清會典事例

欽定大清會典事例卷四百二十三

禮部

大祀 四五時饗 太廟 歲暮
大禘 大祫 因時禘祭

四孟時饗

太廟。崇德元年。

太宗文皇帝於

盛京建立

太廟。祇告

太祖山陵。是年定。四孟時饗。並每月薦新。每歲

聖誕。及清明。孟秋。望歲。暮。忌辰。均於

太廟致祭。○順治元年。

世祖章皇帝定鼎

京師。建立

太廟。始以

盛京

太廟崇稱為

四祖廟。○又定。

太廟時饗。每歲孟春於正月上旬卜日。孟夏孟秋孟冬。

於朔日行禮。孟春時饗。如遇

祈穀齋戒之期。

皇帝詣

太廟。出入導迎樂。均設而不作。○二年奏。明時舊例。凡
遇萬壽節。親詣奉先殿。上香行禮。又遣官祭陵。
上香燭。供酒果。不讀祝。奉

旨。祭

太廟如

奉先殿禮儀。讀祝致祭。

福陵

昭陵

四祖廟。止上香燭。供酒果。不必讀祝。○又奏。

本朝舊制。秋祭

太廟於七月十五日。用牛羊。是日

福陵獻酒果香燭。明時舊例。七月朔祭太廟。用牛羊。是日各陵不獻酒果香燭。以七月十五日祭陵。用牛羊。是日太廟不獻酒果香燭。奉

旨。

太廟。盛京

四祖廟。俱照故明例。以七月朔用牛羊致祭。是日陵上不必獻酒果香燭。中元節仍用牛羊祭陵。是日

太廟。盛京

四祖廟。不必獻酒果香燭。○三年定。時饗樂作於廟門。

○又定。

盛京

四祖廟。凡歲除清明。及慶賀祭。如

京師例。牲用生。○八年定。時饗

太廟。奏樂於殿內。文武佾舞全設。○又定。祀

太廟。齋戒三日。

親祭與遣官恭代。俱於

太和殿設齋戒銅人。各衙門亦設齋戒牌。不理刑

名。若有要事。仍行辦理。

大內及宗室並齋戒。官之家不祀神。遇

躬饗

太廟。和碩親王以下。陪祀官以上。俱於家齋戒。如遣官

恭代。

皇帝齋戒。和碩親王以下。輔國公以上。不必齋戒。陪

祀官齋戒如前。○又定

太廟祀典。清明祭。各官不必陪祀。牲用生。○又定。

皇帝親饗

太廟。行飲福受胙禮。○十七年定。時饗

太廟樂舞設於殿內。○康熙九年題准。

太廟東廡設太牢。○十二年

諭。

壇

廟祭祀。國家大典。必儀文詳備。允符體制。乃可肅將誠敬。昭格神明。其致祭時辰。齋戒處所。稽諸往代。各有定制。爾部詳察典禮。酌議妥確。以聞。欽此。遵

旨議定。祭用黎明。

皇帝於別殿齋戒。○又定。祭時止用監察御史侍立。

其禮部漢堂官俱按班行禮。停其侍立。○二十

四年孟春。

聖祖仁皇帝親饗

太廟禮畢。

諭。往見贊禮郎宣讀祝版。至朕名。聲輒不揚。父前子名。前經所載。朕對越之次。惟懼誠敬稍有未至。無以昭格神靈。為子孫者。通名於祖父。豈可涉於慢易。嗣後俱應高聲朗讀。毋庸顧忌。○是年。

聖祖仁皇帝

祈穀於

上帝禮畢。

諭前見

太廟致祭時。執事官奉福胙由兩神位間趨走。於尊祖敬

宗之意未協。對越

祖宗典禮甚鉅。惟嚴肅不懈。始可薦馨。在廟奔走之人。亦宜誠敬將事。共襄大禮。不應稍有褻慢。且亞獻禮俱唱為次獻。亦與漢文不符。爾等會同內閣禮部察例奏聞。欽此。遵

旨議定。嗣後執事各官從外旁趨走。唱次獻改為亞獻。

○三十八年議准。元旦。

皇太后聖壽。

萬壽聖節。於

太廟後殿遣官行禮。○雍正元年奉

旨。派王二人。散秩大臣御史各二員。部屬侍衛各四員。稽失儀及扈從人等任意行走。著為例。○八年議定。

時饗

太廟照祭

社稷壇之禮。於迎

神樂奏時。詣

列祖位前。跪上炷香。次三上辨香。兩廡分獻官上香。裕

祭及

奉先殿

太廟後殿皆同儀。○十一年奏定。嗣後

太廟

神牌照

奉先殿供奉居中。○又定。

太廟

神牌製造泥金托座。○又定。嗣後

太廟請

神牌用太常寺官獻帛爵用侍衛。○乾隆元年

諭。國家式崇

太廟。妥侑

列祖神靈。歲時祇薦明禋。典禮尤宜隆備。今

廟貌崇嚴。而軒櫺椽桷。久未增飾。理應敬謹相視。慎重
繕修。以昭黜陟示新之敬。著該部會同內務府詳議
具奏。欽此。遵

旨議定。四孟時饗。事關鉅典。繕修

太廟時。先於

前殿設黃幄九座。恭請

中殿

後殿

列聖

列后神牌於

前殿黃幄內安奉。先行繕修

中殿

後殿。俟告成時。恭請

神牌還御。再繕修

前殿。自興工以至告成。遇時饗。即於

中殿照

前殿儀祭饗。設樂舞於庭。其恭請

神牌於前殿。並請

神牌還御。欽天監選擇吉期。本日均遣官祇告。並祭

后土

司工之神。再

太廟既繕。修增飾。其

後殿寢室神龕內。一應陳設器物。亦應修飾維新。帷幔
衾枕等物。均照舊式。敬謹製造。祇告

太廟。並祭

后土

司工。由禮部太常寺奏辦。祝文由翰林院撰擬。應

行典禮儀節。禮部屆期具奏。○二年七月。時嘗
太廟。是日大雨。奉

旨。令陪祀王公於戟門行禮。分獻官陪祀百官於兩廡
廊下行禮。○又

諭。今因修理

奉先殿。恭請

列聖

列后神牌。暫安奉於

太廟中殿。今八月初九日

太宗文皇帝忌辰。十一日

太祖高皇帝忌辰。此二日朕欲親詣

太廟中殿上香行禮。著總理事務王大臣會同禮部詳
考禮儀具奏。欽此。遵

旨議奏。凡遇

列聖

列后忌辰。

奉先殿行禮。咸用素服。四時祭饗及祇告

太廟。咸用禮服。並無素服入

廟之制。此次忌辰。應請遣官行禮。○是年。

高宗純皇帝謁

陵行禮起

駕日及

回鑾次日應祇告

奉先殿因繕修

奉先殿

列聖

列后神牌皆安奉

太廟中殿乃祇告於

太廟中殿

高宗純皇帝於前一日親詣行禮是日奏請照祇告例

不設鹵簿。王公文武有頂戴官員以上。咸朝服。
在

午門外跪候迎送。○又奏准。

太廟祝版恭書

列聖尊諡。香帛乃

神位前奠獻品物。其禮畢送往燎所時。應由中路行。與

祭祀各

郊壇典禮畫一。嗣後時饗

太廟。饗儀衛司拜褥官設拜褥畢。照常退至尊案後立。

俟送祝帛時。

皇帝轉立東旁。即起拜褥。俟奉祝帛官由中路出。復設拜褥。

皇帝復位。○又奏准。嗣後

太廟於各香案前增設燭臺一對。

太廟中殿均用白蠟祭

太廟向有爵無墊。應於奠獻時增設爵墊。以昭整肅。○
又奏准。

太廟興工。請先繕修

後殿。若遇時饗。恭請

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神牌。奉安於

中殿寶座祭饗。恭請

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后神牌奉安於

前殿寶座祭饗禮成仍恭請

列聖

列后神牌奉安於

前殿黃幄俟

後殿工竣恭請

神牌還御

後殿次修

中殿。俟工竣再修。

前殿。庶祭祀可以按時舉行。○四年奏准。繕修。

太廟前殿工程未竣。孟夏時饗。遣官於

中殿致祭。各官免其陪祀。如孟秋時饗。工尚未竣。照例

奏請。○是年。

太廟工竣。擇吉致祭。照歲暮禘祭之儀。

高宗純皇帝親詣

太廟行禮。前期三日齋戒。王公文武百官咸陪祀。先期

一日。遣官祇告。○又議准。

太廟每日上香。均守廟官行禮。朔望上香。太常寺堂官

行禮。但每月朔望分詣

天壇

地壇

祈穀壇上香行禮。若不敷用。

太廟仍係守廟官上香。嗣後於宗室王公內奏請

欽點王貝勒貝子公二十五人。專司其事。由宗人府

分定班次。每月朔望。一人直班。朝服上香行禮。

○十二年

諭。向來祭饗

太廟。獻爵獻帛。例用侍衛及太常寺官。朕御極後。俱令

用宗室人員。蓋因宗支繁衍。實惟

祖德所貽。

一氣感乎。昭格尤為親切。且使駿奔走。執豆籩。有事為
榮。亦得服習禮儀。陶鎔氣質。意蓋有在。但演習禮節。
太常實所專司。宗室既非所屬。未必聽其指授。嗣後
每逢祭祀之期。著派宗人府王公一人前往監視。俾
進退優嫺。執事有恪。以昭誠敬。○十三年。

命敬造

太廟祭器。依古範銅。○又議准。時饗

太廟。陳設樂舞。亦照禘祭例。移於殿外丹陛兩旁。○又

諭朕自太和門乘輦恭詣

太廟。祭畢乘禮輿還宮。○十七年奏准。

太廟後殿奠帛獻爵。一如

前殿用宗室官之制。均用覺羅官。○又奏准。饗

太廟日遇雨雪。分獻官陪祀王公。仍遵二年

諭旨。於兩廡廊下戟門行禮。其陪祀百官。於左右門行

禮。○二十三年覆准。饗

太廟。照

祈穀壇之例。設傳贊官二員。○四十六年。時饗

太廟。

高宗純皇帝御禮轎。出

太和門。乘輦。由

闕左門入西北門。至鋪設後薦處

御禮轎。入

太廟北門。由

後殿東旁門。至

前殿東山牆東旁更衣幄次。降輿。○嘉慶四年定。四孟

時饗。恭請

列聖

列后神牌安奉

前殿寶座。

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后皆南養。

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后東位西嚮。

世宗憲皇帝

孝敬憲皇后

孝聖憲皇后西位東嚮。

高宗純皇帝

孝賢純皇后

孝儀純皇后東次西嚮。○五年

諭。此次孟秋時饗。

太廟。係派王恭代。所有齋戒陪祀之王公大臣官員。於齋戒日期內。俱著穿石青褂。挂朝珠。不帶齋戒牌。初一日祭期。穿補褂。挂朝珠。此後二十七月內逢齋戒祭祀之期。俱照此例行。其齋戒期內遇朔望。皆穿補褂。挂朝珠。如祭日值朔望。禮畢後仍穿補褂。挂朝珠。其非朔望日。祭畢後穿石青褂。挂朝珠。○七年

諭。明年正月初六日。孟春時饗。

太廟。遣官致祭。自初三日始。齋戒三日。因恭值

皇考高宗純皇帝忌辰。前已令軍機大臣會同禮部將

朕所御服色。悉心酌議。旋據奏稱。是日究在齋戒期內。懇請御藍袍青褂。其陪祀及執事之王公大臣官員。穿貂褂紅青褂。挂朝珠。其無執事及不陪祀之王公大臣官員。俱穿紅青褂。不挂朝珠。所議固是。但思孟春時饗。係遣官恭代行禮。與親詣行禮者不同。所謂吾不與祭。如不祭。朕端處宮中。若竟御藍袍。於心究有未安。來年正月初三日。朕仍御青袍青褂。用展慕思。其有執事之王公大臣官員等。應用服色。均著照前議行。○八年

諭。向來孟春

太廟時饗。係於正月上旬。諏吉舉行。非如夏秋冬之必於孟月朔日。著有定期者可比。且較之

祈年祀典。定以辛日將事者。亦屬有間。因思祭期若在正月初四五六等日。則初三適當致齋之期。正值

皇考高宗純皇帝忌辰。是日朕若御青袍褂。則

廟祀為重。竟御齋戒常服。朕心實切不安。即臣工等常服將事。亦究有未協。禮緣義起。自當斟酌變通。明年孟春時饗祭期。擇於正月初六日。但既係蠲吉舉行。即非不可改移之期。檢查嘉慶元年以來。正月初八初九等日。均曾練日明禋。明歲正月初八日。亦係吉

期。即著於是日舉行孟春時饗典禮。嗣後孟春時饗日期。總於正月初八初九初十等日內擇吉舉行。著為令。○九年奏准。嗣後孟冬時饗

太廟。

皇帝親詣行禮。如遇九月小建。係二十九日。恭值

孝敬憲皇后忌辰。是日

閱視祝版。

皇帝御龍褂。執事官員均穿補褂。以昭誠敬。○十八年。逆首林清就擒。

諭。謹於孟冬朔日。蠲潔祀謝

太廟。本值時饗之期。朕躬親行禮。虔申昭假。用答
鴻慈。○二十五年奏准。修飾

太廟中殿龕案於

前殿設黃幄九座。恭請

中殿

列聖

列后神牌於

前殿黃幄內安奉。若遇時饗及禘祭禮。恭請

神牌奉安於

前殿寶座祭饗。禮成。仍恭請

神牌奉安於

前殿黃幄。俟工竣。恭請

神牌還御

中殿。○道光四年

諭。嗣後

太廟謝福。昨著照

社稷壇之禮。王公百官均隨行三跪九拜禮。贊引官奏

行三拜禮時。即著傳贊王公百官隨同行禮。○八年。

逆裔張格爾就擒。

諭。本年孟夏時饗

太廟及

常雩

方澤大祀。朕將恭展明禋。其飭所司於祝冊內敬舉受釐宣捷之忱。用申虔告。○十三年

諭。七月初一日。舉行孟秋時饗。

太廟典禮。例遣親王恭代。所有在

廟承祭執事之人。自宜編潔將事。以肅明禋。况祭時朝服樂章。一切如常。未便仍留長髮從事。現在派出承祭之定親王奕紹。及

廟中執事官員。俱著於齋戒前一日。先行薙髮。用申誠

敬其陪祀各員。俱著毋庸雜髮。○又

諭所有

後殿承祭及執事各員。亦著一體雜髮。○三十年六月

奏准。本年孟秋時饗

太廟。

宣宗成皇帝梓宮尚在

正大光明殿安奉。且未逾期年。謹擬自本年七月

初一日孟秋時饗

太廟起。如遇

大祀。遣官恭代。所有應行齋戒陪祀之王公大臣官員。

齋戒日穿常服挂朝珠。祭畢後常服不挂朝珠。其不齋戒之王公大臣官員於齋戒期內穿常服。不挂朝珠。祭日適值朔望均照奏准服色條款穿常服。不挂朝珠。○咸豐十一年奏准。孟冬時饗

太廟。照例遣王恭代。

穆宗毅皇帝於宮內齋戒。前期一日。

親詣行禮。○同治十二年。

穆宗毅皇帝親政。時饗

太廟。親詣行禮。○光緒二年

諭。未親政以前。恭遇

太廟時饗。於致祭前一日親詣行禮。著自本年孟夏為始。○三年。欽奉

慈安端裕康慶昭和莊敬皇太后

慈禧端佑康頤昭豫莊誠皇太后懿旨。著派惇親王奕訢。恭親王奕訢。醇親王奕譞。軍機大臣。禮部太常寺堂官。前往

太廟中殿。敬謹相度。穆宗毅皇帝孝哲毅皇后永遠奉安後神牌。升附供奉位次。欽此。遵

旨謹議。我

朝自順治初年創定

廟制迄今

列聖廟饗。

中殿龕位。已與九間之數相符。查

中殿規制。比

前殿稍狹。而陳設多於

前殿。不能更設東西嚮位。若敬仿道光元年

奉先殿併龕成案。似於

太廟體制。不足以昭隆重。若展拓

中殿間數。則兩旁餘地無多。將來

穆宗毅皇帝

孝哲毅皇后神牌升祔供奉位次事關鉅典自宜酌古
準今以垂萬世可否

飭廷臣會議奉

旨王大臣大學士六部九卿翰詹科道虔詣

太廟敬謹相度後會同惇親王奕訢等妥議具奏又奉
懿旨醇親王奕譞著一併與議欽此遵

旨議奏恭查禮部則例內載道光元年大學士軍機大
臣曹振鏞等會議內務府奏請修理

奉先殿後殿龕座一摺內稱原奏

奉先殿後殿七楹。供奉

太祖至

仁宗七龕。今敬擬中楹列龕惟三。供奉

太祖

太宗

世祖。東次楹列龕惟二。供奉

聖祖

高宗。西次楹列龕惟二。供奉

世宗

仁宗。其餘四楹。擬分為八。所有內外各龕以及寶椅供

案等件。均應稍為改飾等語。當即會同恭詣相
度。

殿中規制宏敞。

神龕左右餘地尚寬。若增修

龕座。間以界牆。於昭穆次序。仍係循依舊制。應請均照

所擬辦理。維時

宣宗成皇帝特從所請。臣等初詣

太廟相度時。特以

升祔鉅典。禮制攸崇。未敢遽行援請。今廷臣會同參酌。
所遞說帖。非必無可採擇。求其酌古準今。究未

能全無窒礙。臣等詳慎熟商。與其附會古制。徒事更張。不如恪守。

成規。可垂久遠。恭查

奉先殿七楹。

太廟中殿九楹。惟

太廟為

太祖之廟。

中殿中楹。自應仍照舊規。不加改飾。其東西各四楹。敬

仿道光元年

奉先殿成案。增修改飾。餘地尚為寬展。東次楹及又次

極為昭位供奉

太宗文皇帝

孝端文皇后

孝莊文皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后

高宗純皇帝

孝賢純皇后

孝儀純皇后

宣宗成皇帝

孝穆成皇后

孝慎成皇后

孝全成皇后

孝靜成皇后神牌。西次楹及又次楹為穆位。供奉

世祖章皇帝

孝惠章皇后

孝康章皇后

世宗憲皇帝

孝敬憲皇后

孝聖憲皇后

仁宗睿皇帝

孝淑睿皇后

孝和睿皇后

文宗顯皇帝

孝德顯皇后神牌將來

穆宗毅皇帝

孝哲毅皇后神牌升祔供奉

宣宗成皇帝之次。於昭穆次序。及祭祀禮節。仍係循依舊制。而一切增修漆飾。均可擇吉舉行。不至有

誤

升祔吉期。其應行事宜。俟奉

旨欽定後。由各該衙門參考成案。隨時奏明辦理。欽奉

懿旨。據禮親王世鐸等奏。穆宗毅皇帝孝哲毅皇后神牌升祔供奉位次。醇親王奕譞奏請定久遠至計。詹事府少詹事文治等。故陳管見各摺片。著派惇親王奕訢。恭親王奕訥。醇親王奕譞。御前大臣。軍機大臣。

大學士侍郎翁同龢夏同善禮部太常寺堂官將王大臣等所奏各摺片詳細閱看再行妥議具奏欽此

遵

旨謹議文治等摺片所議終多窒礙難行之處擬請仍照前議敬謹辦理欽奉

懿旨前據禮親王世鐸等奏遵議穆宗毅皇帝孝哲毅皇后神牌升祔供奉位次各摺片當派惇親王奕訢等再行妥議並諭令李鴻章議奏昨據李鴻章奏因時立制以增修龕座為宜本日據惇親王奕訢等奏請仍照前議辦理等語

列聖廟饗。

中殿龕位。已與九楹之數相符。該親王等奏請。敬將東西各四楹。仿照道光元年增修。

奉先殿後殿龕座成案。修理改飾。即著照所議行。○六年

諭。自光緒七年孟春時饗。

太廟為始。前期一日恭詣行禮。循照舊例。出午門端門進。

太廟前門。該衙門敬謹豫備。○十三年。

皇帝親政時饗。

太廟。親詣行禮。

歲暮

大禘。○順治元年定。禘祭於歲除行禮。○四年定。歲除
前禘祭。大建於二十九日。小建於二十八日行
禮。○十六年覆准。每年歲除前一日

大禘奉

後殿

列祖

列后

中殿

列聖

列后神牌於

太廟正殿。

四祖

太祖南嚮。

太宗東位西嚮。先一日遣官祇告

後殿

四祖。又遣官祇告

中殿

太祖

太宗其致齋視牲請

閱祝文等儀均與時饗同。○十七年定禘祭

太廟樂舞設於殿外。○雍正元年題准歲除前一日。

太廟行

大禘禮。豫遣官奉

後殿

中殿

列聖

列后神牌奉安於

前殿寶座正中。

肇祖原皇帝居左。

原皇后居右。左一位

興祖直皇帝。次

直皇后。右一位

景祖翼皇帝。次

翼皇后。左二位

顯祖宣皇帝。次

宣皇后。右二位

太祖高皇帝。次

孝慈高皇后。均南嚮。

太宗文皇帝

孝端文皇后

孝莊文皇后東位西嚮。

世祖章皇帝

孝惠章皇后

孝康章皇后西位東嚮。

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后東次西嚮。○乾隆二年奏准。嗣後禘祭太廟。鑿儀衛司拜褥官設拜褥畢。照常退至尊案後立。俟送祝帛時。

皇帝轉立東旁。即起拜褥。俟奉祝帛官由中路出。復設拜褥。

皇帝復位。○三十七年。歲暮禘祭

太廟。

高宗純皇帝親詣

肇祖原皇帝位前上香。

列祖

列宗位前。

欽派皇子親王分詣同時上香畢仍各復位行禮如常

儀詣

廟時。

高宗純皇帝乘輦由闕左門入西北門至

太廟北門外。

御禮轎入左門循東牆行至戟門外東階下降輿步入

左門升階進

殿行禮禮成升輿亦如之。

乾隆三十九年設非年至六旬一切典章斷諭旨

不可稍減謹詳載

圖丘事例

○六十年

諭每歲

太廟禘祭。

九廟合饗。典禮綦崇。御極以來。肅恭將事。於

中位上香畢。至

列祖

列宗前。以次上香。乾隆三十七年。朕春秋六十有二。因舊行儀注。上香往返。次數較繁。恐少有失儀。轉不足以將誠敬。曾令大學士等議定。請派親王皇子八人。分別隨同。上香。稍節步履之勞。明歲元旦。舉行授受大典。本年禘祭。尤當展恪升馨。敬申昭格。是以乙巳

年歲暮禘祭禮成御製詩內。即有期待將歸政拈香
親詣周之句。其時已豫擬六十年禘祭。將屆歸政之
期。於

列祖

列宗神位前。仍俱親詣拈香。不令諸皇子恭代。用展積
忱。勉符舊典。今朕仰荷

洪釐。壽屆八旬開六。精神純固。自揣
廟中行禮。於

列祖

列宗前。一一躬親。上香致敬。尚所能勝。此次歲暮禘祭。

朕仍當敬率舊儀。

九廟以次上香。用示精禋。昭告至意。○嘉慶元年。歲暮。

禘祭

太廟。

仁宗睿皇帝親詣行禮。

駕至

太廟街門。入南門。至鋪設椽薦處降輦。贊引官對引官

恭導

仁宗睿皇帝入甌城門東門。至戟門更衣幄次內少俟。

奏請行禮時。

仁宗睿皇帝出幄次盥手畢。贊引官對引官恭導。

仁宗睿皇帝升正面東階進。

殿行禮。行禮儀節均遵熙隆三十七年以前舊例。祭畢。

仁宗睿皇帝降正面東階。出戟門。輒城東門。至升輦處。

升輦時饗儀節均同。○四年定歲暮禘祭恭請。

列聖

列后神牌安奉

前殿寶座。

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后皆南嚮。

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后東位西嚮。

世宗憲皇帝

孝敬憲皇后

孝聖憲皇后西位東嚮。

高宗純皇帝

孝賢純皇后

孝儀純皇后東次西嚮。○九年

諭。向來恭值

祈穀

常雩

南郊典禮。前期閱視祝版。因宿

壇齋戒。並須恭詣

皇穹宇

皇乾殿拈香。是以執事官員俱穿蟒袍補褂。此外如社稷四孟時饗

太廟閱視祝版日期。應穿補褂。至歲暮禘祭。前期閱視祝版。並元旦萬壽告祭

太廟等處。前期恭請祝版。本係在應穿蟒袍補褂日期之內。所有執事官員。自應照例穿用。乃太常寺相沿加等穿用朝服。並以閱視祝版。如遇朝期。執事官亦加穿朝服。皆非體制。嗣後禘祭

太廟前期閱視祝版。及元旦萬壽告祭

太廟等處。前期恭請祝版。所有執事官員。俱照常穿蟒袍補褂。毋庸加等穿用朝服。至閱視祝版。如遇朝期。亦毋庸加穿朝服。以昭畫一。○道光元年

諭。本年歲暮禘祭

太廟。應派獻帛之近支王公。人數不敷。著照太常寺官員之例。嗣後派獻帛爵。如遇人數不敷。凡服制已滿百日者。均准其一體當差。○二十一年。歲暮禘祭太廟。

宣宗成皇帝親詣行禮。所有升輿降輿處所。並添派

皇子親王分詣

列祖

列宗位前上香。均遵照乾隆三十七年禘祭

太廟成案。○二十九年

諭。本年十二月二十九日禘祭

太廟。明年正月初八日祭

祈穀壇均應前期三日齋戒。朕於齋戒期內。照部議援引乾隆四十二年百日內舊例。御素服冠綴纓緯。至致祭之日禮畢御用服色亦應與齋戒日同。所有王公大臣文武百官等。除明年正月初七日已屆應釋縞素之期毋庸議外。其兩次齋戒三日及致祭之日。

均著穿素服。冠綴纓緯。○咸豐八年

諭朕體自入冬以來。一切照常。惟右足尚覺無力。茲屆歲暮禘祭之期。若勉行全禮。恐登降拜跪。偶有愆儀。不足以昭嚴恪。本月二十九日

太廟禘祭。著派恭親王奕訢恭代行禮。是日致祭之先。朕仍親詣。

太廟行三跪九拜禮。以申誠敬。○同治十二年。

穆宗毅皇帝親政。歲暮禘祭。

太廟親詣行禮。○光緒二年

諭未親政以前。恭遇禘祭大祀。於致祭前一日。親詣

行禮。○十三年。

皇帝親政。歲暮禘祭

太廟。親詣行禮。

因時禘祭。○雍正三年二月十二日。

聖祖仁皇帝服制二十七月期滿。

世宗憲皇帝詣

太廟行禘祭禮。讀文奠獻。如歲暮禘祭儀。○乾隆二年

題准。古禮天子三年喪畢。合先祖之神而饗之。

謂之吉祭。今

世宗憲皇帝服已二十七月。請於親詣

泰陵釋服後。祫祭。

太廟。恭行吉禮。是年十一月二十四日。

高宗純皇帝詣

太廟行祫祭禮。○嘉慶六年三月二十九日。

仁宗睿皇帝親詣

裕陵行釋服禮後。四月初三日。詣

太廟行祫祭禮。○道光二年十月。

仁宗睿皇帝服制二十七月期滿。十九日。

宣宗成皇帝親詣

昌陵行釋服禮。二十五日。詣

太廟行禘祭禮。○咸豐二年。

宣宗成皇帝服制二十七月期滿。四月十一日。

文宗顯皇帝親詣

慕陵行釋服禮。十六日。詣

太廟行禘祭禮。○又

諭。本月十六日。禘祭

太廟前期齋戒。十三日。朕在途次。仍穿行衣。十四日。由

行宮換戴緯帽常服。挂朝珠。隨從王公百官。均戴緯

帽常服。挂朝珠。十五日。閱視祝版。朕御龍褂。挂朝珠。

王公百官。均穿補褂。挂朝珠。○同治二年十月十五

日。

穆宗毅皇帝行釋服禮。時值

文宗顯皇帝神牌尚未升祔

太廟。所有

太廟祫祭。暫緩舉行。仍於前一日遣官告祭

中殿

後殿。○四年九月二十六日。

文宗顯皇帝

孝德顯皇后神牌升祔

太廟。十月二十二日。舉行祫祭。前期一日。

穆宗毅皇帝親詣行禮。○光緒五年閏三月初二日。

穆宗毅皇帝

孝哲毅皇后神牌升祔

太廟。二十五日。舉行祫祭。前期一日。

皇帝親詣

太廟行禮。並遣官告祭

中殿

後殿。

欽定大清會典事例卷四百二十四

禮部

大祀

太廟

列聖

列后升祔

列聖

列后升祔

太廟。順治元年。

世祖章皇帝定鼎燕京奉

太祖高皇帝

孝慈高皇后

太宗文皇帝神主奉安

太廟。遣官行禮。如時饗儀。○五年。奉

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神主入

太廟。

世祖章皇帝親詣

太廟後殿奉安

神位。行大饗禮如儀。○八年奉

孝端文皇后神主升祔

太廟。前期一日遣官祇告

太廟。屆期。

世祖章皇帝親詣行禮。先奉

神主祇見

太祖高皇帝

孝慈高皇后

太宗文皇帝。

世祖章皇帝恭代行三跪九拜禮。興恭奉

神主奉安於

太宗文皇帝之次。行一跪三拜禮畢。行大饗禮如儀。○

十八年。奉

世祖章皇帝神主升祔

太廟。前期一日。遣官祇告

太廟。屆期。

聖祖仁皇帝親詣行禮。先奉

神主祇見

太祖高皇帝

孝慈高皇后

太宗文皇帝

孝端文皇后

聖祖仁皇帝恭代行三跪九拜禮。興。恭奉

神主奉安於

太祖高皇帝神位之西旁東嚮。行一跪三拜禮。乃行大

饗禮。

後殿遣官行禮。均如時饗儀。○康熙九年。奉

孝康章皇后神主升祔

太廟。行祇見

列聖

列后禮。次行大饗禮。與順治八年同。○二十七年。奉
孝莊文皇后神主升祔

太廟。前期。遣官祇告

太廟。屆期。大臣二人恭奉

世祖章皇帝

孝康章皇后神主。避立於旁。

聖祖仁皇帝恭奉

神主。奉安於拜位。恭代行祇見

太祖高皇帝

孝慈高皇后

太宗文皇帝禮。三跪九拜興。恭奉。

神主奉安於

孝端文皇后之次。行一跪三拜禮興。大臣二人恭奉。

世祖章皇帝

孝康章皇后神主奉安於拜位。

聖祖仁皇帝恭代行祇見。

孝莊文皇后禮。三跪九拜興。大臣二人奉安。

世祖章皇帝

孝康章皇后神主於寶座。一跪三叩退。行大饗禮。與九年同。○五十七年。奉

孝惠章皇后神主升祔

太廟。時

聖祖仁皇帝聖體違和。遣

皇子親王恭代行禮。王公百官陪祀。與

親詣同。先是恭議位次。

聖祖仁皇帝諭曰。

皇太后乃朕嫡母。應奉安於

孝康章皇后之上。至日。

太廟前殿設

孝惠章皇后寶座於

世祖章皇帝寶座之次。

孝康章皇后寶座設於

孝惠章皇后寶座之次。至

中殿奉安

世祖章皇帝神位居中。

孝惠章皇后神位居左。

孝康章皇后神位居右。均南嚮。先奉

神主行祇見

列聖

列后禮。次行大饗禮。與九年同。○雍正元年奏。古帝王升祔太廟。必以皇后配饗。夏商而後。遵為定制。其或不同入廟者。周人有閔宮之祀。漢世有別寢之饗。爰至唐宋有坤儀奉慈之殿。所以推廣尊親之義。申展無盡之孝思也。自是配祔太廟者。皇后字上一字與廟諡同。奉祀別廟者。則但有諡號而不加廟號。累代相因。其配祔之位。或一帝一后。或一帝二后。宋太宗徽宗則四后。先後升祔。禮制不同。

本朝

太祖高皇帝三后。惟

孝慈皇后稱

高皇后。升祔

太廟。

太宗文皇帝二后。

孝端皇后

孝莊皇后並稱

文皇后。升祔

太廟。

世祖章皇帝三后。

孝惠皇后

孝康皇后並稱

章皇后。升祔

太廟。

孝獻皇后則但於

孝陵饗殿奉祀。此我

朝之定制也。前內閣九卿等恭議加上

聖祖仁皇帝

三皇后尊諡。因未定配饗之儀。故於

神位上未敢加以仁字。今謹擇於九月初四日。

聖祖仁皇帝升祔

太廟。則

先皇后配饗之禮。理宜詳定。前奉

上諭。

仁孝皇后作配

皇考。孝敬寬仁。坤儀懋著。欽遵

諭旨。謹案典禮。

仁孝皇后允宜

配位太室。同饗玉筵。應於

神位上加以

廟諡仁字。但與

尊諡仁字重複。恭請改題曰

孝誠恭肅正惠安和儷天襄聖仁皇后神位。擇吉

升祔

太廟。

孝恭仁皇后性成慈孝。德著謙和。體坤道以承乾。備母

儀而敬

聖。允宜齊登

清廟。並奉烝嘗。閣臣議上

尊諡即具加

廟諡與

孝誠仁皇后同祔

太廟。此天地之經義。不易之常典。毋庸更議。

孝昭皇后流輝椒掖。正號璇宮。

孝懿皇后德音淑德。著美彤闈。慈愛

聖躬。勤勞篤摯。其應否同祔

太廟。事關鉅典。宜合廷臣詳考古制。稽叢正典。確議以

定。奉

旨。總理事務王大臣內閣九卿翰林詹事科道會同詳

稽典禮。確議具奏。欽此。遵

旨議定。前代祔廟之制。各有不同。自夏商以及六朝。太廟神主。皆一帝一后。至唐睿宗。昭成肅明二后。並祔太廟。宋之太祖。則三后並祔。太宗四后並祔。朱子及有宋諸儒。皆無異說。欽惟

孝誠仁皇后作配

宸極。懋著坤儀。

孝恭仁皇后德茂承

乾。祥開毓

聖。慈仁孝儉。為天下母。允宜如禮。臣所奏。同祔

太廟。欽惟

孝昭皇后

孝懿皇后。前奉

諭旨。

孝昭皇后恪恭溫順。樹範宮闈。

孝懿皇后德音淑德。

慈撫朕躬。恩勤備至。均應恭上

尊諡以昭示萬年。仰惟

大孝不匱之聖心。謹案宋代四后祔廟之大典。謹於

孝昭靜淑明惠正和欽天順聖皇后。

孝懿溫誠端仁憲穆奉天佐聖皇后。並加上
尊號

廟諡仁字。均稱

仁皇后。恭造

神主同附

太廟。○又奏准。恭案

孝誠仁皇后

孝昭仁皇后

孝懿仁皇后安奉

奉先殿神牌。曾於

殯宮行題主禮。

升祔

奉先殿。今恭上

尊諡。同祔

太廟。禮應於廟中改題。請將

三后升祔

奉先殿神牌。諏吉恭請至

太廟恭製

神主處。照改題之例。飾漆塗金。備書

尊諡。

升祔前期遣大學士二人恭行改題掃青禮。俟
聖祖仁皇帝神主祔

廟之日。恭奉

三后神主依次

升祔

太廟。祔

奉先殿神主。別於

奉先殿神庫敬製恭題。同日

升祔。○又奉

旨。朕惟

母后升祔

太廟大典攸關。欲伸臣子之孝思。必準前代之成憲。務得情理允協。乃可昭示萬年。

孝昭仁皇后

孝懿仁皇后繼位中宮。

孝恭仁皇后誕育朕躬。母儀天下。案先儒祔廟之儀。一元后。一繼立。一本生。以次並列。今

母后升祔位次。當首奉

孝誠仁皇后。次奉

孝昭仁皇后。次奉

孝懿仁皇后次奉

孝恭仁皇后。庶於古禮符合。而朕心亦安。○是年九月

初一日。

聖祖仁皇帝

孝恭仁皇后山陵事竣行題

主禮畢。

世宗憲皇帝恭奉

聖祖仁皇帝神主。親王一人恭奉

孝恭仁皇后神主。安奉黃輿。按程恭設黃幄。行朝夕奠。

初四日行

升祔禮。前期三日。遣官祇告

天

地

太廟

社稷。至日。在京文武大小官員咸朝服跪迎於

大清門外。

世宗憲皇帝御祭服。率王公內大臣侍衛等朝服跪迎

於

端門外。

聖祖仁皇帝神主黃輿將至

太廟街門。恭奉

三后神主親王三人。詣恭奉

神主處於

孝誠仁皇后

孝昭仁皇后

孝懿仁皇后神主案前。各行一跪三叩禮。恭奉

神主各奉安於黃輿。俟

聖祖仁皇帝

孝恭仁皇后神主黃輿入

太廟街門中門。

三后黃輿依次隨行。至廟南門外。黃輿止。

世宗憲皇帝恭奉

聖祖仁皇帝神主。親王四人恭奉

孝誠仁皇后

孝昭仁皇后

孝懿仁皇后

孝恭仁皇后神主。升祔

太廟。

世宗憲皇帝恭代行祇見

列聖

列后禮。乃以次奉安。

神主於東旁西嚮。

太宗文皇帝之次。行大饗禮如儀。○乾隆二年三月初

五日。

高宗純皇帝恭奉

世宗憲皇帝神主。親王恭奉

孝敬憲皇后神主。升祔

太廟。

高宗純皇帝恭代行祇見

列聖

列后禮。乃奉安

神主於西旁東嚮

世祖章皇帝之次。先期遣官祇告

天

地

太廟

社稷。祭日行禮如時饗儀。○四十二年五月初一日。恭

奉

孝聖憲皇后神主升祔

太廟。

神主黃輿由甑城門東門入。至戟門外。黃輿止。

高宗純皇帝恭奉

神主進

太廟東隔扇。就祇見位。恭代行祇見

列聖

列后禮畢。奉安

孝聖憲皇后神主於

孝敬憲皇后之次。行大饗禮如儀。○嘉慶四年九月十

九日。恭奉

高宗純皇帝神主黃輿回京。升祔

太廟。前期三日。遣官告祭。

天

地

太廟

社稷。至日。文武大小官員按翼會集於

大清門外。

仁宗睿皇帝御祭服。率諸王貝勒貝子公內大臣侍衛

於

端門外。俱朝服跪迎。

高宗純皇帝神主黃輿入

太廟街門中門。

仁宗睿皇帝隨入。親王二人豫就改題

神主處。恭請

孝賢純皇后

孝儀純皇后神主安奉黃輿。候

高宗純皇帝神主黃輿過。

孝賢純皇后

孝儀純皇后神主黃輿以次隨行。至甑城門東門外黃

輿以次止。

仁宗睿皇帝恭奉

高宗純皇帝神主。親王恭奉。

孝賢純皇后

孝儀純皇后神主。由戟門東門入。升正面東階。進太廟東隔扇。

仁宗睿皇帝恭代行祇見

列聖

列后禮。奉安

高宗純皇帝神主於東旁西嚮

聖祖仁皇帝之次。

孝賢純皇后

孝儀純皇后神主以次奉安畢。行大饗禮如儀。○道光
元年三月初四日。

仁宗睿皇帝

孝淑睿皇后山陵事竣。二十八日行

升祔禮。前期三日。遣官告祭

天

地

太廟

社稷。至日。宗室官詣

中殿。恭奉

列聖

列后神主安奉

前殿寶座。

仁宗睿皇帝神主黃輿由

大清門入。

宣宗成皇帝率王公百官朝服跪迎如儀。

仁宗睿皇帝神主黃輿入

太廟街門中門。

宣宗成皇帝隨入。親王豫就改題

神主處。恭請

孝淑睿皇后神主安奉黃輿隨行。至甌城門東門外。黃輿以次止。

宣宗成皇帝恭奉

仁宗睿皇帝神主。親王恭奉

孝淑睿皇后神主。由戟門東門入。升正面東階。進太廟東隔扇。

宣宗成皇帝恭代行祇見

列聖

列后禮。以次奉安

神主於西序東嚮

世宗憲皇帝之次。行大饗禮如儀。○咸豐二年三月初

七日。恭奉

宣宗成皇帝

孝穆成皇后

孝慎成皇后

孝全成皇后神主升祔

太廟。前期三日。遣官告祭

天

地

太廟

社稷。至日。

文宗顯皇帝恭代行祇見

列聖

列后禮。奉安

神主於東序西嚮

高宗純皇帝之次。行大饗禮如儀。○三年三月初二日。

恭奉

孝和睿皇后神主黃輿回京。升祔

太廟。前期三日。遣官告祭

天

地

太廟

社稷。至日。宗室官詣

中殿。恭奉

列聖

列后神主安奉

前殿寶座。

孝和睿皇后神主黃輿由

大清門入。

文宗顯皇帝率諸王貝勒貝子公內大臣侍衛等於

太廟街門南門外。俱朝服跪迎。

孝和睿皇后神主黃輿入

太廟街門中門。

文宗顯皇帝由

太廟街門南門入。親王四人。恭奉

宣宗成皇帝

孝穆成皇后

孝慎成皇后

孝全成皇后神主避立於旁。

孝和睿皇后神主黃輿至甌城門東門外。黃輿止。

文宗顯皇帝恭奉

神主由戟門東門入。升正面東階。進

太廟東隔扇。

文宗顯皇帝恭代行祇見

列聖

列后禮。三跪九拜興。奉安

孝和睿皇后神主於

孝淑睿皇后之次。行一跪三拜禮。興。親王四人恭奉

宣宗成皇帝

孝穆成皇后

孝慎成皇后

孝全成皇后神主奉安於拜位。

文宗顯皇帝恭代行祇見

孝和睿皇后禮。三跪九拜興。親王四人。以次奉安

宣宗成皇帝

孝穆成皇后

孝慎成皇后

孝全成皇后神主於寶座。各行一跪三叩禮。退。行大饗

禮如儀。○咸豐十一年十月

諭。朕惟

皇考大行皇帝敬荷

康慈皇太后撫育深恩。在位之日。疊晉尊封。奉事東朝。問安視膳。直數年如一日。

聖孝隆禮。寰海聞知。止以

仙馭遐升。未申

配廟之儀。暫行奉祀於

奉先殿。我兩宮

皇太后夙侍

先皇。備知

仁孝至誠之隱。蓋無日不有懷明發也。痛惟

皇考龍馭上賓。朕以沖人。寅承大命。我國家以孝治天下。繼述之禮。孰重於斯。茲奉

母后皇太后

聖母皇太后懿旨。追惟

康慈皇太后侍奉

皇祖宣宗成皇帝。徽柔素著。及保護我

皇考備極恩勤。允宜聿晉

徽稱。煥隆

三后。崇禮

配廟。義本承

先用慰

皇考在天之志。以申沖人報本之思。應如何議加尊諡之處。大學士會同六部九卿詳議具奏。○又諭。本日大學士九卿會同議上

康慈皇太后

尊諡。敬請

升祔

太廟。並據請將前上

尊諡敬謹改擬。並請加至十二字。以表尊崇。本日朕奉
母后皇太后

聖母皇太后召見議政王奕訢。軍機大臣大學士桂良。尚書沈兆霖。侍郎文祥。寶璽。鴻臚寺少卿曹毓瑛。惠親王綿愉。惇親王奕誼。醇郡王奕讓。鍾郡王奕詒。孚郡王奕譞。睿親王仁壽。肅親王華豐。御前大臣奕山。貝勒載治。奕劻。貝子綿勳。公載岱。大學士賈禎。周祖培。尚書瑞常。倭什琿布。麟魁。萬青藜。僉稱應旨。

徽稱。媿隆。

三后。並申。

配廟之儀。用展承。

先之志。因思我。

皇考大行皇帝。仰承

康慈皇太后

撫育十有餘年。備荷

恩勤。固已疊晉

尊封。闡揚

盛美。今以沖人纘緒之初。勉思繼述。緬懷

聖孝之無窮。宜極追崇之盛典。今廷臣所擬。詳慎公允。

不獨於

康慈皇太后懿德洵相符合。實足以慰

皇考在天之志。此天下萬世之公論。非朕一人顯揚之

私亦非臣下尊親頌美之私情也。謹據所奏恭上

尊諡曰

孝靜康慈端惠弼天撫聖成皇后。

升祔

太廟。永極尊崇。所有應行典禮。該部敬稽成例以聞。仍

將

尊諡恭擬加至十二字。以符舊制而表

隆稱。欽此。遵

旨謹奏。恭擬加上

孝靜康慈皇后尊諡。曰

孝靜康慈懿昭端惠弼天撫聖成皇后。○同治元年
諭九月初一日。

孝靜成皇后神主升祔

太廟所有恭奉

神牌並行

升祔致祭禮。著派恭親王奕訢恭代。朕於初二日親詣
太廟行禮。○是年九月初一日。恭奉

孝靜成皇后神主升祔

太廟前五日。禮部工部太常寺官詣

中殿恭設新祔

后位神龕。陳帷幔。設香案供饌。如

列聖

列后寢室前陳設儀。前三日。遣官告祭

天

地

太廟

社稷。

文宗顯皇帝几筵前。至日。宗室官詣

中殿恭奉

列聖

列后神主安奉

前殿寶座。承祭王豫至。改題

神主處。上香行禮。奉安

孝靜成皇后神主於黃輿。校尉昇行。至甌城門東門外。

黃輿止。承祭王恭奉

神主。由甌城門西門入戟門西門。升正面西階。進
太廟西隔扇。恭代行祇見

列聖

列后禮。奉安

孝靜成皇后神主於

孝全成皇后之次。行大饗禮如儀。○四年九月二十六

日。恭奉

文宗顯皇帝神主黃輿回京。升祔

太廟。前期三日。遣官告祭

天

地

太廟

社稷。至日。宗室官詣

中殿。恭奉

列聖

列后神主安奉

前殿寶座。

文宗顯皇帝神主黃輿由

大清門入。

穆宗毅皇帝率王公百官朝服跪迎如儀。

文宗顯皇帝神主黃輿過。

穆宗毅皇帝詣更衣幄次敬俟。

神主黃輿入

太廟街門中門。承祭王隨入。親王於

太廟潔室。恭奉

孝德顯皇后神主升輿隨行。至甑城門東門外。黃輿以

次止。承祭王恭奉

文宗顯皇帝神主。親王恭奉

孝德顯皇后神主。由戟門東門入。升正面東階。進
太廟東隔扇。承祭王恭代行祇見

列聖

列后禮。奉安

神主於西序東嚮

仁宗睿皇帝之次。承祭王退至西隔扇檻外立。太常寺

堂官奏請

穆宗毅皇帝出幄次。由戟門東門入。先詣
列聖

列后神主正中案前。行三跪九拜禮。次詣

文宗顯皇帝

孝德顯皇后神主前。行三跪九拜禮畢。

穆宗毅皇帝還宮。承祭王詣恭代行禮處。行大饗禮如

儀。○光緒五年閏二月初二日。恭奉

穆宗毅皇帝

孝哲毅皇后神主黃輿回京。升祔

太廟。前期三日。遣官告祭

天

地

太廟

社稷。至日。宗室官詣

中殿。恭奉。

列聖

列后神主。安奉

前殿寶座。

穆宗毅皇帝

孝哲毅皇后神主黃輿由

大清門入。

皇帝率王公百官朝服跪迎如儀。俟

神主黃輿過。

皇帝退詣更衣幄次敬俟。

神主黃輿入

太廟街門中門。承祭王及奉

后主之親王隨入。至甌城門東門外。黃輿以次止。承祭

王恭奉

穆宗毅皇帝神主。親王恭奉

孝哲毅皇后神主。由戟門東門入。升正面東階。進

太廟東隔扇。承祭王恭代行祇見

列聖

列后禮。奉安

神主於東序西嚮

宣宗成皇帝之次。承祭王退至西隔扇檻外立。太常寺

堂官奏請

皇帝出幄次。由戟門東門入。先詣

列聖

列后神主正中案前。行三跪九拜禮。次詣

穆宗毅皇帝

孝哲毅皇后神主前行三跪九拜禮畢。

皇帝乘輿還宮。承祭王詣恭代行禮處。行大饗禮如儀。○七年九月二十一日。

孝貞顯皇后神主黃輿回京。升祔

太廟。前期三日。遣官告祭

天

地

太廟

社稷。至日。宗室官詣

中殿。恭奉

列聖

列后神王安奉

前殿寶座。

孝貞顯皇后神主黃輿由

大清門入。

皇帝率王公百官朝服跪迎如儀。

孝貞顯皇后神主黃輿過。

皇帝退詣更衣幄次敬下。

神主黃輿入

太廟街門中門。承祭王及王公百官等俱隨入。親王二

人恭奉

穆宗毅皇帝

孝哲毅皇后神主避立於旁。

孝貞顯皇后神主黃輿至甌城門東門外止。承祭王恭

奉

神主由戟門東門入。升正面東階進。

太廟東隔扇。恭代行祇見。

列聖

列后禮。奉安

孝貞顯皇后神主於

孝德顯皇后之次。親王二人跪安。

穆宗毅皇帝神主於

神案前正中。祇見拜褥上。跪安。

孝哲毅皇后神主於左稍後拜褥上。承祭王恭代行祇

見

孝貞顯皇后禮。親王二人恭奉。

穆宗毅皇帝

孝哲毅皇后神主還御。各行一跪三叩禮退。承祭王退。

至西隔扇檻外立。太常寺堂官奏請

皇帝出幄次。恭導由戟門東門入。先詣

列聖

列后神主正中案前行三跪九拜禮。次詣孝貞顯皇后神主前行三跪九拜禮畢。

皇帝乘輿還宮。承祭王詣恭代行禮處。行大饗禮如儀。